

Birtedalen sti og løypelag
Org nr: 914 831 911
Birtedalsvegen 2481
3870 Fyresdal



Fyresdal kommune
postmottak@fyresdal.kommune.no

23.02.16

Søknad om midlar til oppgradering av bru

Denne søknaden kjem frå Birtedalen sti og løypelag, som er ein frivillig organisasjon som jobbar for å tilrettelegge for eit aktivt friluftsliv i Birtedalen og Fyresdal. Me ser at jobben laget har gjort med merking av stiar, rydding og tilrettelegging av løyper, gjer til at Birtedalen er blitt meir attraktiv. Hyttefolk og innbyggjarar ser ut til å nytte løypene meir både sommar og vinter.

Birtedalen sti og løypelag vart skipa 13.02.2015. Birtedalen grendelag, som blei erstatta av Birtedalen sti og løypelag, har utført dette arbeidet i mange år. Me er eit lag for både innbyggjarar og turistar. Me har mellom anna fått utarbeidd ein sti og løypeplan som er vedteken av kommunestyret.

Hovudsatsingsområdet til sti og løypelaget er for tida skiløypene. Me ynskjer stadig å kunne tilby fleire og sikrare løyper som er i tråd med planen. Til nå har me hatt løypetrasè som har vore mykje på isen, dette er ugreit og risikabelt og målet er å få all løype på land. Vi må tenke sikkerhet for skifolket og dei som preparerer løypene.



*Biletet er frå 04.04 2015, teke frå bruhaugen. Løypene blir framleis køyrd, men ikkje over denne usikre isen.
Det er mykje vassføring her som gjer at isen blir utrygg.*

Grunnen til at denne søknaden kjem frå oss, er vårt neste prosjekt. Me skal bygge om ei bru/dam i utfallsosen av Birtevatn. Me treng ei breiare og betre bru her for å kunne tilby sikker skiløype slik at vi slepp å legge løypa over isen.

Den nye bruva vil bli dimensjonert for trakkemaskin. Det er eit framtidig mål at løypene skal bli preparert med slik maskin, og me vil difor fjerne denne flaskehelsen. Brua er i dag for smal og der er fjerna steinar i bruva slik at den er vond å gå over. Me skal og opparbeide adkomst på både sider slik at den kan nyttas til sykkel og fots i barmarksesongen.



Eksisterande bru

Det var Arendal Vasdrags Brugseierforening som bygde denne i si tid som fløtingsdam.
Den blei gjeve til grunneigar når fløtinga i vassdraget opphørde.

Arbeidet med bruа er i hovudsak å fjerne gammalt rekkverk og jarnkonstruksjon, grave og mure for å legge ned nye material i bakken i begge endar, legge nytt dekke og rekkverk. Planlegginga for bygging av bruа er ferdig. Vedlagt ligg budsjett, finansieringsplan og skisse over bruа.

Dugnadsånden i Birtedalen er stor, merking og rydding av stiar og løyper er gjort ved hjelp av frivillige. Me baserer oss på at mykje av arbeidet med bruа og vil bli gjort på dugnad.

Det me treng hjelp til, er finansiering av kostnader med materiale til denne utbetringa.



*Slik gjeng løypa over isen i osen.
Ikkje triveleg å sende folk ut i dette!*

Dette er eit stort økonomisk lyft for eit lite lag som oss.

Me baserer drifta i laget på basar, tilskot frå kommunen til oppkjøring av skiløypene, samt frivillig innbetaling av løypetilskot.

Når vi må ta ei stor utgift som dette må vi be om støtte utanfrå.

Me håpar de vil sjå gleda og nytten av å hjelpe oss med dette prosjektet slik at det blir ein trygg og god oppleveling å nytte skiløypene i Birtedalen.

Treng de meir informasjon kontakt Stein Helge Lassemo tlf 91528845, shlassemo@telefiber.no



Med venleg helsing

Styret i Birtedalen sti og løypelag

Det gjeng akkurat å kome over med skuteren nå!